

# Ngā Tikanga Aromatawai Paerewa Paetae

---

## On this page

[Kaupae 3 Te Reo Rangatira 2019](#) ▼

## Kaupae 3 Te Reo Rangatira 2019

---

Ngā Tikanga Aromatawai Paerewa  
Paetae [91804](#) [91806](#) [91808](#)

## Wāhanga A: He kōrero whakataki

Ko ngā kaupapa a te whakamātautau me ōna hiahia, e hāngai ana ki tā te marau. Ko ngā wāhanga whiwhinga a te

whakamātautau i kitea ngā pūkenga reo, aheinga reo me te tūhonohono a ngā whakaaro.

## Wāhanga E: Purongo mo ngā Paerewa Paetae

### 91804: Te Tatari i te ahunga o te reo

Ko ngā ākonga i whakawhiwhia ki te **Paetae**:

- kāore i kaha ki te whakamārama i ā rātou whakautu
- kāore hōhōnu te rere o te tuhinga tātari
- he wairua whakaaro i tuhia, me hāngai ki ngā ritenga e rua.

Ko ngā ākonga i whakawhiwhia ki te **Kāore i whiwhi**:

- kāore i whakautu i ngā pātai katoa
- kāore i mārama ki ngā hiahia a te whakamātautau
- kei ngā tuhituhi a ngā ākonga i nanakia te tātari i ngā kōrero.

Ko ngā ākonga i whakawhiwhia ki te **Kaiaka**:

- i kaha ngā ākonga ki te tātari i ngā kōrero e rua
- i whānui te mārohirohi i ngā take o aua rerenga kētanga
- i kitea, te māraama a ngā ākonga, te matapae i te ahunga atu o te reo.

Ko ngā ākonga i whakawhiwhia ki te **Kairangi**:

- ka eke anō te taumata o te reo me te hua mai o te whakaaro Māori
  - ka kaha noa atu te arohaehae i ngā tikanga peha i roto i ngā korero
  - ka kitea tana kaha nanao atu ki ngā momo taunakitanga
  - ka āta whakapakepake te māhorihori i ngā reo e rua
  - mārama te kite te hōhōnu, te whakapakepake me te māhorihori i ngā take o aua rerenga kētanga.
- 

## 91806: Te tuhura i nga tuhinga ruapeka

Ko ngā ākonga i whakawhiwhia ki te **Paetae**:

- e Māori ana te rere o te reo
- e Māori ana te āhua o ngā whakaaro
- i arohaehae ki tā te wairua o ngā kōrero
- i kitea ētahi taunakitanga.

Ko ngā ākonga i whakawhiwhia ki te **Kāore i whiwhi**:

- kāore ngā tuhinga i te whakaae, i te whakahē rānei, ā, he tuhituhinga noa nei
- he moroiti nō ngā tuhinga

- kaha te whakautu i ngā pātai ēngari kāore hāngai ki te kaupapa
- kāore kitea tōna mārama.

Ko ngā ākonga i whakawhiwhia ki te **Kaiaka**:

- e kaha noa atu ana te rere o te reo Māori; i Māori, i kounga ngā whakaaro
- i whānui te tautuhi rautaki o ngā kōrero
- e kaha rere ana ngā nukanuka hora reo.

Ko ngā ākonga i whakawhiwhia ki te **Kairangi**:

- i eke anō te taumata o te reo me te whakaaro Māori
- i kounga ngā whakaaro
- ka nanakia noa atu te arohaehae ki tā te wairua o ngā kōrero
- i nanakia te taunaki i te whakaaro me te nanao atu ki ngā momo kaupapa hei tohe i te kaupapa
- rere pai ana ngā nukanuka hora reo.

## **Kupu āpiti**

E rua ngā tuhinga i tēnei whakamātautau. Ko te tikanga ia me whakautu tētahi anake. Kei reira tonu te hunga tē aro mai ki ngā tohutohu.

Mō te hunga kāore anō kia eke panuku, ko te mea kē kia kaua e tāruarua noatia ngā kupu o te rauemi pānui. Engari, me whakarite whakamāramatanga i āna ake kupu.

---

# 91808: Te whakaoti tuhinga

Ko ngā ākonga i whakawhiwhia ki te **Paetae**:

- kaha ēnei ākonga, ki te whakapuaki whakaaro
- i ētehi wā he nukanuka hora reo i whakamahia
- i rongu tōna whēako reo
- itītī noa iho te kite i tōna reo tuhi.

Ko ngā ākonga i whakawhiwhia ki te **Kāore i whiwhi**:

- kāore mārama ki ngā tohutohu, me te pātai
- kāore i kite ate tāhūhū o ōna whakaaro, he kotiti nō ngā whakaaro
- he whāiti te reo, he whāiti anō hoki ngā whakaaro.

Ko ngā ākonga i whakawhiwhia ki te **Kaiaka**:

- i kaha kitea te iho o ngā kōrero
- ka tīkina atu he taunakitanga hei āpiti atu ki ngā whakamahukitanga
- i mārama te whāriki i ōna tuhinga
- ka kaha te whakaō atu ki tā te tuhinga e whakapuaki ana.

Ko ngā ākonga i whakawhiwhia ki te **Kairangi**:

- ka kaha whakamahi ngā rautaki reo
- he mea tiki atu i ngā momo wheako hei taunaki i te whakaaro
- ka nanao atu ki ngā momo taunakitanga

- he tuhinga i whakaoti
- ka nanakia te whakaō atu ki tā te kaituhi e whakapuaki ana.

## [Te Reo Rangatira subject page](#)

### **Previous years' reports**

[2018 \(PDF, 107KB\)](#), [2017 \(PDF, 51KB\)](#), [2016 \(PDF, 209KB\)](#)